

歸

愚

詩

鈔

沈德潛將錄其歸
愚集前稽首而請
序且曰人臣私集
自古無御序例第

受特達之知敢恃
寵以請不即望序
或訓示數語可乎
德潛老矣憐其晚

達而愛知者惟是
詩余雖不欲以詩
鳴然於詩也好之
習之悅性情以寄

之與德潛相高權
者有年矣茲觀臣
集故樂俞所請而
序之夫德潛之詩

遠陶鑄乎李杜而
近伯仲乎高王矣
乃獨取義於昌黎
歸愚之云者則所

謂玄輩就實君子
之道也夫子之訓
小子曰何莫學夫
詩使如後世離龍

祭獺之為者聖人
將斥而禁之顧反
疏其源而導其流
乎之惟是名教之

樂必有言之不足
而長言之者舍是
其何以哉昌黎曰
文見道始有是語

固不必執風骨體
裁與李杜較甲乙
而歸愚叟乃能深
契於此識夷守約

斂藻就澹於向日
所為壯浪潭涵峻
嶒嶺變人驚以為
莫及者自視若不

乞且有悔心焉是
則李杜高王所未
及言而有合於夫
子教人學詩之義

也夫非常之人然
後有非常之遇德
潛受非常之知而
其詩亦今世之非

常者故以非常之
例序之異日者江
國行春靈巖駐蹕
思欲清問民艱
暇

汝口新什將訪歸愚
叟於愚公溪谷之
間矣

詩古文書窓所

夙嗜踐祚以來

萬幾鮮暇難時

寄興吟咏而古

文不數、為之是

序撰思深翰至

四刻始就非復有

曩日弓燥手柔之

樂况能津還古

人耶歸愚叟於
近代詩家視青
邱漁洋殆有過
之無不及者故樂

為之序不復計
其工拙遲速書
卷以賜歲云暮
矣封事稍稀更

償文債亦足為藝

林增一勝亭也

乾隆辛未小除

夜書於坤寧宮

之東閣

歸愚詩鈔目錄

卷一

古樂府六十二首

卷二

新樂府四十六首

卷三

四言古三十三首

卷四

五言古七十一首

卷五

五言古七十一首

卷六

五言古七十二首

卷七

五言古五十五首

卷八

七言古四十一首

卷九

七言古四十六首

卷十

七言古二十九首

卷十一

七言古三十三首

卷十二

五言律九十五首

卷十三

五言律九十六首

卷十四

五言律八十五首

卷十五

七言律七十一首

卷十六

七言律六十七首

卷十七

七言律七十三首

卷十八

七言律六十二首

卷十九

五七言長律五七言絕句一百三十二首

卷二十

七言絕句一百八十一首

錢塘郁吳邑

嘉善戴兆薇校

歸愚詩鈔卷一

長洲沈德潛稿

古樂府

梁父吟

魯子耕泰山之下值天大雨雪不得歸思
念其母作梁父吟以見志樂苑載其事亡
其辭擬古辭以補之

力農于野泰山之側雪閉川原欲歸不得解欲歸
不得眷念我母我母念我悵望隴畝誠通境隔中
心何有二解祿養由命色養由人豈因賤貧莫侍養

殮解三小鳥反哺往來深樹嘆我人兮而不如微羽

解四昊天蒼蒼乎其知我心傷乎解五

短歌行

宇宙浩浩古今茫茫俯仰慷慨憂來無方解一我欲

上天誰徹其梯增城遙遙困於濁泥解二愁難寄天

憂難埋地羨彼木石何營何慮解三南鄰椎牛北鄰

負薪虞卿窮愁鄧禹笑人解四同心離居哀傷不已

同居離心一席千里解五鳳鸞有聲鴟鴞恠之汝則

我怪我聲不移解六人生瀛海飛矢斯亟新故循環

三命有極解七拂袖起舞對酒高歌人不作連將如

之何

八解

隴頭流水

辭家赴隴頭隴水東西逝流作嗚咽聲中有征人

淚一解隴水鳴濺濺隴阪高入天驅馬登隴阪不敢

望秦川二解朝過飲馬窟夜經古戰場天寒枕刀卧

驚魂不還鄉三解

筵篔引

公平公平黃河怒濤高蹴天九龍奪珠戰深淵狂
蛟鋸齒垂饑涎公平公平顛欲白輕將性命託河
伯河伯邀汝遊鬼國公平公平中流失足悔已遲

旁人垂戒妻哭之瑩篋坎坎聲何悲

戰城南

戰城南苦寒月刀聲過處紅雨飛一片黃沙堆白骨
戰罷飛狐西又戰金河東今日壯士死他日將軍
功軍中夜宴搗鼙鼓錦帳妖姬對歌舞殘兵僵
卧風雪中鬼馬相隨鬼妾語鬼妾語鬼馬號雄雞
剪夢天不高羽書曉過陰山麓十萬髑髏作人哭

將進酒

華月滿筵清尊在手世間萬事吾不知此中唯可
飲美酒考鐘鼓吹笙竽擁衆妓披羅襦今我不樂

不樂將何須古來但聞醉者有時醒不聞醒者千
秋萬歲常歡娛登高而望望彼四域纍纍丘墳鬱
鬱松柏求為仙人安可得求為酒人酒人良可求
暮與俠客飲朝隨狗屠遊

塘上行

蒲生水中央託根難久長君情如膠漆中路遽參

商

解一

自咎蛾眉長不怨衆女妒行止由他人棄置

那復顧

解二

故交雖難忘不如新相知敝屣雖難棄

不如新履綦

解三

霾曠有時散陽光有時臨顧得陽

光臨照見葵藿心

解四

種瓜篇

陳思王種葛蒲生行浮萍等篇文藻有餘
而怨懟或甚似非風人之旨因擬是篇

種瓜東園中蔓緣高樹枝年少為君婦瓜葛相因
依恪勤事君子舉動循禮儀蒙君业山惠終始無
猜疑豈知生不辰中道忽乖違乖違夫如何棄置
諒所宜自惟多譽尤恃愛不能知丈夫秉高節豈
為顏色衰昔為磐石固今若浮萍移願君諒微誠
管蒯終可治陽曦有晚照行雲有還期請看園中
瓜交結不相離

美女篇

洛陽二三月遊女出采芳並軫大堤上聯袂蘭皋
傍幽閒誰氏子城南獨條桑素手勞采摘枝葉低
以昂微風動輕裾明霞照晨妝顧瞻道傍女各各
生輝光或隨執金吾或嫁侍中郎就中最貴顯蚤
侍瑯琊王而我處盛年百兩何時將貴賤各相匹
禮義慎周防廣川自有舟明河自有梁失時祇自
惜失身賤無方三復行露詩浩歎處空房

猛虎行

猛虎食人不能出山林蝮蛇毒螫不能升雲岑吁

嗟機械之巧無如人心解渭水雖清灌溉之利不

如濁涇狐裘徂暑不如絺綌解君子在下位雖

有蘊蓄何從施行解騏驥一日千里躑躅隴阪幸

遇伯樂長鳴純鈞雖利不遇薛燭孰知其名甯戚

飯牛車下不遇齊桓難致公卿解

行路難

客歌長歌聲亦長客歌短歌聲亦短成名須當少

年時毋令秋霜鏡中滿昔為明堂詩亦擬長楊賦

賦剪秋空雲詩浥金莖露巧手織成錦繡段三年

空挂珊瑚樹出門偶逢鄉里兒金多位高志氣舒

歸家便欲焚筆硯還聞武帝慕相如詞賦爛漫復
何益致君更有萬言書姓名不教狗監識白首下
帷空躊躇

山人勸酒

山人在山住土木為同身醉酒復高歌一曲空山
春巢由愛名不足道何況爾輩商人舉觴酬綺
皓顏君且飲酒酒中有味君自知世事紛紜莫開
口漢王意叵測誰能顧虛聲區區四老翁漫云羽
翼成勿為子房誤兼喪身與名子房一身懼莫保
辟穀尋仙若不早何如翩然隨我歸去來山中飲

酒日日桃花開

苦寒行

窮冬天地閉，兼旬斷白日。悲風振林壑，朔氣砭肌骨。居人猶苦寒，行子更慘慄。行路既已難，何況遠戍卒。傳聞燉煌郡，八月即飛雪。驕馬行不前，筋竿凍欲折。鐵衣冷難挂，征夫淚成血。倦投羊羣卧，餓取水漿啜。倚劍臨大荒，萬里陰雲結。寧不懷室家，強寇猶未滅。念彼防邊人，慨焉心斷絕。

飲馬長城窟

朝飲馬，夕飲馬。飲馬乃在長城下，黃河之水環遼

牆晝夜滔滔流不舍結髮從軍三十年年年辛苦
為防邊家鄉天外斷音問夢魂欲度關山難馬羣
奔騰水聲嗚咽水邊髑髏堆霜雪髑髏不知何代
人揔是中原征戍卒驅馬飲水水氣腥渾流洗盡
金創血金創血流今古萬里無家不言苦此身分
作邊城土

烏夜啼

老烏啞啞宿枯樹月照空巢濕清露依依為伴單
棲人夜夜哀鳴向天曙烏頭有時白行人無時歸
空房聽啼烏中心愴以悲海水常枯石常爛妾心

修申旦旦

吳趨行

吳趨美風土靈秀天所鍾尼父未及遊讓德舊已
崇文章實淵藪豈唯財賦雄而何民俗移麥忭顏
古風江河日滔滔莫挽波流東不思開國初感歎
將焉窮

王明君

羈帳琵琶曲休彈怨恨聲無金償畫手妾自誤平
生

天賦殊尤質翻為異域人君王不好色遣妾去和

親

作蠶絲

春蠶忽作繭團團吐新絲外有纏綿意中心那得
知

北風行

北風吹沙漠萬里白草折海水十丈冰蛟龍眼流
血

悲歌行

莫以瑚璉器持問田家叟莫以宮中妝誇示下里
婦瑟不如竽抱此焉徂仰天而歌其聲烏烏歌聲

烏鳥何太悲烈士壯年日就衰

苦哉遠征人

為友人賦

苦哉遠征人謫發赴王程念君本儒官安能棘章
跼注留邊城邊城嚴寒風色惡旌竿凍折戟難拓
望中失却紇干山如席雪花卷空落聞笳已是心
欲死傳箭還令骨如斫萬里辭家別六親可憐三
載不逢春春風桃李江南客朔氣烽煙塞下軍蘇
武傳書空付鴈緹縈贖罪竟無人別有城南少婦
心獨苦夢想玉門在何許望斷金鷄赦遠人夜聽
烏啼淚如雨

關山月

天風吹月度長城照徹關山分外明寒逼鏡衣人
萬里光連玉帳夜三更邊聲盡唱從征樂戍客能
輕去國情破鏡刀環兒女意莫教傳語漢家營

孤兒行

孤兒苦難言啗人食荼藜長兄不見憐今年將取
嫁

枯魚過河泣

魴鯉入肆其目不閉寄語河中魚市價方騰貴

孟門行

素絲成羅襦溫潤稱玉體一朝愛新製棄捐筭篋
裏君家玉堂在孟門蘭橈桂棟高清受豪華少年
滿堂坐主人何心憐故人美酒酌以金叵羅奉君
歡宴為君歌主人飲此壽無算年年歲歲樂如何
雲際飛來雙白鵲無端彈射遭君逐梁燕難忘舊
日恩籥口還思補君屋

折楊柳歌詞

折柳送征夫青青不忍折春風知我意長條自吹
折

長條爾何物送郎天邊去恨不持斧斫斫盡江頭

樹

紫駟馬

匹馬邊州路驂騮迴出羣此行須努力壯士正從
軍接戰穿殘壘追奔躡亂雲驍騰馳萬里仗爾策
殊勲

少年行

少年氣敵富平侯白馬金羈到處遊醉卧倡樓歌
古曲伊州才罷又甘州

幽并俠客氣如龍會合河橋酒正濃飲罷各留名
姓在他年江海儻重逢

塞下曲

駕鷲聲急半空哀風旋龍沙欲起堆飲罷酪漿天
色暮月明獨上李陵臺

敕勒川頭練甲兵黃羊谷口豎干旌雲昏萬馬難
分色雪急三軍不辨營

移兵絕域出伊甘白鷹金笳聽不堪二十萬人回
首望河源翻在大荒南

千重砂磧萬重山三載燒荒未擬還流盡征夫眼
中血誰人月下唱陽關

提封遠到海西頭吹角能防塞外秋却笑唐家邊

境小但教諸將取涼州

擬邊庭怨

永定河邊水欲開
懷鄉高上赫連臺
凌空試問南飛鴈
帶得家園春色來

秋風動地卷蓬蒿
涼月光中看寶刀
鄰帳胡笳吹不斷
肯容歸夢度臨洮

塞上四時辭

排空歸鴈度金河
壯士春來喜荷戈
望裏芊芊青草色
玉門關外揔陽和

寄到鄉園白苧衣
榆關五月暑猶微
怕聞頭痛山

過路雲氣燒空鳥不飛

獵西風落日黃酪漿飲罷卧沙場胡笳聲靜霜
華滿飛上征人鐵裊襠

漫空急雪上龍堆防寇還聞羽檄催只恐黃河水
凍合左賢萬騎忽飛來

企喻歌

前隊彎硬弓後隊把長槍男兒相結伴不必在同
鄉

瘦馬啖黃葉肥馬啖黃禾馬上有錢人馬足風雲
多

蒼鷹摩高天不為燕與雀壯夫出塞行不為珪與爵

久別離

春光昨夜至楊柳齊青青弄影空閨裏蕩子之婦難為情憶昔君別時春風江上生手折堤畔柳送君此遠征何為十年無尺素望君迢迢有如隔蓬瀛不能身為楊柳花隨風東西南北同君行妾心如磐石君身豈浮萍東風兮東風為我吹君返行旌

遠別離

遠別離乃在蠻煙瘴雨之窮鄉聞者心驚而魄慄
而况行子浮湘度嶺千里萬里之炎荒飛蠱妖狐
玄蜂赤螳兩頭有蛇四足有鯉猩猩見客而啼鸞
鷺見客而喜君胡為兮至於此或傳蒼頡作字天
雨粟鬼夜哭人生識字胎禍患不如結繩之代忘
寵辱上有高山下有浚谷萬丈一墮緣失足伊人
高卧巖之幽師黃炎兮友商周紫芝為糧兮猿狖
與遊而胡舍此罹竄投耽縈嗜進夫何尤遠別離
腸斷絕淚滴潯江水波流帶嗚咽故山空白雲英
英長薇蕨待君歸來聽松風兮弄明月

長別離

遠別離路修阻長別離成千古而况遠別復長別
兩恨縈迴寸心苦草枯有時而榮日晦有時而晨
嗟我一心人飄散隨煙雲舊與同歲寒不與同春
溫一彈別鶴操再彈離鸞曲一彈再彈不成聲夜
長誰閉鰥魚目遠別離長別離南雲迴望無已時
緬之子兮縹緲矢泉壤兮為期他生願化無情識
頑頓形骸同木石

大牆上蒿行

蒿根託古墻那得如人長讀書求功名那得為公

卿君心願封侯但學曲如鉤如鉤恐不足黃河有
九曲

野田黃雀行

江南黃雀大且肥田中啄粟羣爭飛江北黃雀瘦
而小田中斷粟啄荒草荒草無味啄砂礫啾啾似
向人求食豪家少年工彈射弓矢金丸伺其側黃
雀乞微命為我謝少年明年食粟長肥肉入君庖
饌方甘鮮

烏生八九子

烏生八九子哺雛勞欲死哺鷄雛長成各自矜爪

觜八九子一一南北東西飛盤中攫肉城上棲故
林那肯仍來歸老烏多子轉苑獨夜寒只向空巢
宿

董嬌嬈

當鑪酒家女彷彿董嬌嬈問年三五餘春柳同風
標玉指削葱根丹唇破櫻桃足下朱絲履頭上翠
雲翹清槽豎清酒喚客嘗春醪使君東方來軒蓋
何揚揚一見當鑪女願贈明月璫許以千金值載
歸鬱金堂試看紅襟燕雙棲瓊瑁梁試看紫鴛鴦
交頸宿池塘女言告使君君有千黃金君重千黃

金妾重千載心鴛鴦自有偶梁燕難分襟使君聞
中婦爛芳詠錦衾勿令蘭蕙質時誦白頭吟

日出八行

倏升扶桑倏沉崦嵫一九東跳復西走不知始自
何日終於何時何人能揮戈何人使再中秦皇漢
武摠為飛光所愚弄妄思求仙入海登天騎龍驪
山與茂陵畢竟叢荒草况聞天上葬神仙縱使成
仙亦枯槁何如胸無碑壘心與天遊任作息於蚤
暮付榮落於春秋循蜚以來四萬八千彈指數靜
中閱古膠膠擾擾同浮漚羲和聞言茫然失步六

龍奔忙鞭龍不佳不知何日停車輪悠游暘谷俯
仰同閑雲

履霜操

琴操有履霜原詞實多怨懟非以教孝也
予特擬其辭云

晨興履霜兒足已寒兒腹已饑兒衣已單父兮母
兮兒故多愆兒不承順父實我天兒不承順母實
我憐呼號昊天不如泣父母前

新嫁娘

未熟姑心性但聞姑最賢愛姑如愛母妾自得姑

憐

神君曲

荒祠入夜神鼓鳴神君騎馬空中行神馬降處霜
花青女巫通神作神語鸞車今夜迎神女祀神不
虔衆當死我為汝祈神怒汝神惟開處歆蒸肴陰
氣著人森寒毛雄雞一聲天欲高旋風吹馬上神
樹老鷓鴣啞啞銜肉去

采菱曲

東家采紅蓮西家采紫菱蓮花比儂艷菱絲繫儂
情移船出浦遲纖手弄漣漪心心期薛若

秦人
以菱為薛

若與避
迨同 貪看鴛鴦飛水清菱花香水濁菱角鮮采
清不采濁斯意儂自憐湘藕同心生芙蓉守紅死
異帝連紫莖纏綿亦如此女伴笑相逢隔船兩招
手相約並船行相憐暫相偶采得折腰紅歸家持
贈郎清歌終一曲明月滿迴塘

采蓮曲

閒上采蓮船學唱采蓮曲桂檝輕搖蕩鴛鴦映花
宿橫塘香水流流繞白蘋洲牽折並頭花女伴皆
迴眸沙頭日晚櫂船歸采得芙蓉欲遺誰蕩子天
涯尚飄泊風前孤負最長絲

西洲曲

題友人西洲
繫柳圖

春風楊柳花君後
江北住秋風楊柳黃
君下西洲路
妾家桃葉渡
年少慣乘潮
送君出西洲
同上木蘭橈
蘭橈復蘭漿
風輕任搖蕩
兩兩鴛鴦往來
綠波上波上
守紅花水底同心藕
郎君不肯留
枉種相思柳
相看南浦雲
淚下霑羅裳
衰柳不堪折
哀歌那忍聞
三春白門柳
八月廣陵濤
因風將遠夢
珍重到江皋

迎神曲

侯氏三忠祠

天門高呀然
開儀肅肅神
靈來神靈來
太常公披

朱衣冠芙蓉激雷電
斷金鐵排趙嬈擊曹節掖庭
危邊疆敗公直言櫻螫薑經百折
歷九死死握拳
生嚼齒靈在天欣同類
揖楊左肩周魏靈既來升
華堂羞燔炙達羶鄉靈安坐
奏清徵颯金飈寒衆
體修肝蠻忠孝門聚星辰
光乾坤

祀太常公
震陽

坎其擊鼓廟庭之下
俟我雲車迎我風馬車馬
紛通政降只飛龍玄螭牙
角從只血痕斑斑心憤
痛只論伸冤獄力折強藩
運丁陽九龍馭升天銜
鬚受刀決脰報君精衛填
海身腐心存卞壺授命
盱眙從死不辱門風是父
是子辭釣天所來饗齊

島真言金卷一
明網細縕縕達以精誠鳴臬妖狐伏而不鳴祀公通

曾洞

鬼雄前隊操戈受髑體累累血糝翎飛車兩旁翻
絳旗中有義士髯而鬚髯而鬚侯季子地老天荒
鐘鏞遷徙廣柳車內藏忠臣陳卧子事敗連駢棄東

市升玄冥謁帝扃上帝謂而忠貞相隨而考而兄
出入玉闕金庭被髮翩然娛遊下土周覽城郭心
悲離黍後車載美人冠帔何容與當年巢破卵不
完連娟修矚殉其主神靈風雨飄飄如酌神清爵

神來乎

祀太學公
岐曾

歸愚詩鈔卷二

長洲沈德潛礪士

新樂府

慈烏歎

慈烏復慈烏
慈烏撫雛聲
嗚朝為雛呼
暮為雛呼
一巢育三雛
慈烏棄雛先
自殂一雛雖
長惛然孤
未能返哺
聲淚枯

制府來

客述制府始末甚詳
因成樂府四解誌往
事做後來也

制府來勢炎赫上者罪監司下者罪二千石屬吏

驅使如牛羊千里輦重木奔忙鞠脰上壽登公堂

制府賜顏色屬吏貼席眠破得百家摩博得制府

歡制府之樂千萬年解揚旗旌麾蓋軍制府航海

清海氛聲名所到步步生風雲居者闔戶行者側

足但稱制府來小兒不敢哭軍中隊隊唱凱還內

實百貨裝樓船文武郊迎次且不得近前制府之

樂千萬年解制府第神仙宅夜光錦披牆壁明月

珠飾履舄貓兒睛鴉鵲石兒童戲弄當路擲平頭

奴子珊瑚鞭妖姬日夕舞綺筵賞賜百萬黃金錢

天長地久雨露偏制府之樂千萬年

解三

太陽照冰

山傾黃紙收制府片刻不得暫停軫車一兩千里
無人送迎婦女戟手詈童穉呼其名爰書定在旦
夕求為廝養廝養不可得盤水加劍請室間從前
榮盛如雲煙制府之樂千萬年

解四

民船運

天旱河流乾糧船難運行官府日捉船挽漕輸神
京虎吏奉符帖遠近皆震驚商船斂錢送放之匿
郊垌民船空兩手點之充官丁大船幾百斛中船
百斛盈江千集萬艘一一標旗旌三月發京口四

月停淮城五月下黃流六月指濟寧口糧半中飽
枵腹難支撐黠者盜糧粒愚者時呼庚太倉急轉
輸正事有期程運官肆榜笞牛羊役窮氓夜月照
黃蘆白浪聞哭聲願汝停哭聲努力事遠征大農
有賢者惠汝如孩嬰

菱湖曲

菱湖湖邊多種菱女兒采采蕩舟行菱角如鍼刺
人意菱絲似帶牽人情西日欲落晚風橫晚風橫
可柰何歌一曲定風波

旃檀林

悲周女也女太倉人信佛教不字出家香
象菴媿尼引強暴亂之不從為所殺金多
欲寢其事州守李廡知之置以法遠近稱
以貞尼沈子重其烈惜其為尼也作樂府
記其事

旃檀林奉世尊歸菩薩教生成正果死當入甘露
門周女信其說志欲超根塵不作人間配雜髮離
慈親離慈親朝法王法王舊弟子沈溺慾海無慈
航靜室日演秘密法此間可以登天堂湮與渭不
同流滯與貞疾如仇摩登貪媿復好殺昏夜乃與

強梁謀從我由爾違我由爾從我爾生違我爾死
佛門不肯輕貸爾

崑山之玉可碎不可玷百鍊之剛可折不可卷
可憐空中妙蓮花片片摧落霜刃間揮金飽里正
里正代關說伍伯及胥吏合掌大念佛齊聲自刎
頸佛門那肯貪婬復好殺賢守不愛錢曖昧得知
之發奸具款伏一朝械杻何累累師子林師子林
如何送我歸圍牆我生何罪歸圍牆我佛救我登
天堂

妙蓮花終古青烈女死顏如生停尸七日七日晝

夜無蠅虵四衆共羅拜設位迎神明幡幢寶蓋來
宮庭墓門樹女貞青青常不枯樹無連理枝枝有
單棲烏棲烏夜啼聲聲啼向天生前未返哺至今
含恨在九泉人生有倫理空用朝法王寄言世間
女終身只合守閨房

白楊謠

風蕭蕭白楊樹一年堪作薪十年堪作柱不種公
卿門但種公卿墓

白楊樹古時墓不見子孫來但見牛羊卧轉眼犁
作田轉眼平作路

聖駕謁

陵禮成恭賦樂府十章

有序

皇帝在位之八年懋建

皇極天人協應萬物由庚禮樂明備念國家創業

開基起於遼陽

祖宗功德艱難積累報本追遠敢忘昭事

園陵在盛京者禮應展謁爰

命宗伯詠吉日奉

皇太后於孟秋初旬乃發

乘輿百靈呵護羣工景從道塗所經萬方縱觀千

里如堵城邑連歡川岳生色既至盛京祇
祓齋宮潔清壇壝時唯質明肅將祀事崇
牙樹羽磬管竇鏞壺濯牲牢莫不陳列五
等六服羌戎蠻貊咸來助祭

皇帝愉愉勿勿洞洞屬屬俯興稽拜穆乎有容祝
以孝告嘏以慈告

列聖在天之神來饗禋祀儼若相接水源木本一
氣感通由

曾孫仁孝之心著存于秉圭執鬯間也

三陵既周燕喜受祉諸蕃來朝共球並集海隅日

出頻首享王既已文治溥浹矣

皇帝復念振作武功宣威中外進退憑旗鼓變化
備陣法同岐陽之大蒐寓于教之講武而
又推仁錫類覃被遠邇大禮告蒞

六飛乃回以達孝暨天下以惠澤利萬人

祖考寵綏

天地明察祭則受福永膺純嘏聖人所謂通於神
明光於四海者乃於今日遇之也小臣備
員侍從未能宣揚

孝德敬擬樂府十章以備瞽矇謳誦辭曰

聖人大孝繼繩

世德世德伊何發祥長白

天造鴻業乃眷與宅

列聖在天

園寢孔安橋山汾陰守以祠官地維鞏厚

王氣鬱盤報本崇先溯源自古幽明可通孝思為

主遙遙瀋遠言

巡東土志繼

世宗事述

聖祖

右

聖大孝一章二十句

練時日吉且良奉

慈仁啓

天閭發

鑾輅隨龍驤

帝問省侍

鳳輦心齋粟容愉婉馳蒼虬揚雲罕大雨侍勾陳
肅岳引旌川隨轂過都邑省風俗垂白老携兒女
歡雷動民歌舞手加額親堯禹

天顏喜

慈語溫出關隘回陽春望

園陵蒸祥雲

右發

鑾輅一章三十句

盛京樂民風厚畝盈黍稷窮積紅朽商賈鱗集既
蕃既阜盛京樂慣田獵從狼發縱弓彎馬捷割鮮
烹肥家餽戶饁盛京樂樂雍熙衢尊春臺登之酌
之昔聞

聖祖之報本今觀

聖孫之受釐吾民何幸得生

聖人之時盛京樂樂不可支

右盛京樂一章二十二句

朝鮮挾

陵之左山海控

陵之右龍鳳拱而盤翼精靈朝而趨走

孝孫秉禮告虔陳設豆登尊卣焚蕭管子升香薦

嘉德于珪璋

三后饗于明堂垂邃延于袞裳

神欣欣于樂康優然愜然聞見儼恪不遺餘奠報

曾孫以百福昭式禮于孔熒監孝思之烝烝卜
昊天之眷眷

右謁

三陵一章一十七句

敬瞻

永陵

始祖所式憑姜嫄履武后稷廼篤生敬瞻

福陵

太祖此永寧太王居岐肇基廼勃興敬瞻

昭陵

太宗之佳瑩文王勤止養晦逾光明我

皇昭報對越以精誠躬膺圖籙翼翼而兢兢締造
艱難守成弗易朕勤恆匪解

天命以永凝

右懷

祖烈一章二十句

駿假通

神明禮成萬樂備頒胙遍寵錫肆筵設高會

天厨稠疊出大官牲牢既饗紛魚膾飽德醉酒聯
華戎六合一家無內外

皇澤浹羣臣拜盈廷歡娛萬方寧
泰高臺置酒歌
大風漢高區區樂豐沛

右禮成宴一章一十四句

建中名殿朝堂我

皇當陽撫臨下方樂浪東陬椎髻種裘咸和成業
雲合龍趨水航陸驅競來陪都貢賫獻琛堯離侏
任鷓鴣好音追隨鳳鸞拜舞稱蕃同漢呼韓助祭
辟公來朝輪忠肅肅躬躬誓義服神蹈德詠仁萬
年外臣

右羣蕃朝一章二十一句

文德貴經懷武備戒休燕

一人秣穀作六師獮狩合圍還教戰烏蛇翔赴箕
翼舒張霧連雲散陣分圓方止齊子堵墻跳蓋于
飛揚弓滿月兮戈雪霜剽禽狡獸難遁藏荼火日
月威疆場下大綏收壁壘四校呼七萃喜悉率左
右燕

天子海隅清晏纘武功

祖宗玉業由此起

右大狩閱一章二十句

錫類者必廣乎仁孝推恩者不遺乎民人

頌賚賞而沛乎德惠速置郵而布乎

絲綸滋液滲漉潤物者雨漸摩與休育物者

君居

聖人之大寶曰位普天心之愛物曰仁觀百族之

沐膏浴澤由

天子之尊

祖敬

親

右永錫類一章一十二句

六龍發子涼露金風之蕭爽

六龍迴子清霜玉雪之飄零歷唐山過灤河抵
神京臣民頌首顛顛拜迎乃奉

聖母歸

慈寧

御太和殿千官朝賀

彤廷謂

聖皇孝治天下凡有血氣修孝德于環瀛東鷄西
鰥不足貴然芝銀瓮何足稱雨暘時若家給人足
奏上治於隆平

右

六龍迴一章二十一句

亢陽

亢陽六章憂旱也

天子側身修行靡政弗舉

皇太后步禱請命雨乃旋降史臣作詩記之

亢陽告災去冬徂春爰迨炎夏四郊如焚大風揚
塵冥冥煜煜井枯渠涸汗下成龜文菜麥兩無何

以活我民

一章

帝命禮官乃行大雩郊宮山川奠瘞斯周

予一人有不德下民其何辜爾諸臣或有矯誣或

有戲豫或有咎咎或有嘔嘔反躬洗心毋仍禽故

章二

帝命地官振貸發粟首自邦畿遠連山谷胥吏毋
中飽充民之腹

帝命秋官并清岸獄誅極放流以下朕乃桎梏弛
乃扶扑庶邀天和上天其從欲

章三

恭維

聖母憂心恻恻步禱齋宮為民請命人有弗誠天
無弗聽惟大父母胡忍子病顛回仁慈以救而萬

姓四
章

四山出雲萋萋油沛雨來初平田盈溝連斷接

昏沾足四郊

叶

後時勤力猶及有秋

五章

天高高明以倬荅誠敬蘇民瘼猗我民耕以鑿報
賽田祖合飲醴繼自今暘雨若于胥樂子

六章

奉

勅恭撰平定金川鏡歌八章

皇帝在阼至仁大武無雷日融悉臣志

主况大渡馬湖以南番酋處所久鄰我置吏久賴
我鎮撫鳥獸無知侵凌邊圉蒙昧乎堯禹

一章

蠢爾小醜距趯翅張恃茲碣門竭焉高岡旁煽而

種類沸羹嘶塘始

命剪之遷延歲杪為奸猖所愚餉糜師老如螳斯
奮如兔斯狡欲逃我

天討章二

聖人赫怒爰興師征

廟謨神武授茲忠貞集羽林簡精兵足糧糈揚麾
旌虎牙干城烝徒增增咸統於恒恒拜受命於

帝之訓鼓行而前山川震將卒歡呼忘行陣三章

踰屨屨冒霜露七千里餘如跬步斬奸頑斷間謀
靡旌摩壘賊震讐將軍從天下號虎軍聲震

天威所到賊敗逃掀其籬藩困其邊幅翼圍箕張

勢迺窮蹙

章四

維彼鷩麇喬嶽蹙之維彼枿芽賁育摺之內絕魄
饒矣外絕援黨矣額革面而稽顙矣經略元臣謂
爾不龔今何戰戰前何洵洵刊爾脰梟爾顛誓剋

爾元兇

章五

捷書夜奏達於

楓宸

天子曰俞哉我威已振我兵已神惟彼既輸誠獸
類亦人戢讎以武柔肌以恩子以不死同覆以天

庶跂行喙息之輩得僦僦而牲牲元臣之報國以
忠

大君之好生以仁

六章

軍門開番酋來繫頸乞命聲何哀元臣推誠心傳
諭旨謂

皇帝德並蓋載不孥戮爾赦爾死臯與更始番酋
罷泣聲歡喜

萬歲齊呼徹壁壘南人從此不反矣

七章

大軍旋歸于郊于墉鷓班遠迎聚觀者童元臣抑
抑彌虛盅

帝謂綏靖惟汝庸加爵異服饗彤弓參贊旅卒胥
酬功煥

天文紀功載勒石於辟雍千萬億年昭仁武於無
窮章八

洞庭橘枝辭

元人詩社有題
無詩

吳娘采摘合歡枝名橘憶著狂夫遠別離肯信過淮
真化枳妾心石爛不遷移

一夜青霜顆顆丹吳儂生計滿林巒上方久却揚
州貢不使包山有橘官

恭擬補亡六章經進附

維南有陔萬物煦育維我高堂昕夕往復几杖安
和享茲清福章一維南有陔采采草食調膳以進容
顏愉懌高堂顧之其樂何極章二宛然孩童矣眷焉
追從矣我敬我親我安我畎畝我輕我三公矣章三

右南陔三章二章章六句一章五句

白華之白白如玉子我念所生矢幽獨兮不受點
污懼我親之辱兮章一白華之白白如雪子我念所
生全清節子不染埃盪遺我親以潔兮章二英英白
雲潤彼白華應時舒萼顯爾芳華葆真敷榮繫之
子之克家章三雨露既濡白華成實供廼籩豆維旅

秩秩承家開國繫之子之黼黻

四章

右白華四章章六句

好風南來翼我華黍農耨婦饁赤日方午嗟嗟爾
勤苦一章而胡炎月邁茲蘊隆百神是禱焦勞

深宮冀蘇翕三農二章大雨時行兮華黍滋榮兮九

穀蕃登兮惟我民之休惟上天之仁惟我

皇之誠兮三章

右華黍三章二章章五句一章章六句

平平王庚實為周行萬物由之既安且康開陽闔

陰濡而霖暘一章蕩蕩王庚通達九州萬物由之既

和且柔動明息晦順春斂秋章惜惜我

皇念周四域予己以勞予民以逸錫福錫保同歸

皇極

三章

右由庚三章章六句

幽幽崇業上羅椹枕託植得所仰千青旻君子為

學盤固本根

一章

幽幽崇業下流蒙泉澄潭虛中出

無窮焉君子畜德濟深廣淵

二章

涉崇業巔睇彼曠

野一氣之中芒世函夏所處既高萬物皆下凡百

君子慎立身者

三章

右崇業三章二章章六句一章八句

物類有儀稟天之命飛潛動植各遂其性人道由
之本于一敬一章平林茂茂禽則翔留溪水潛潛魚
則泳游

聖人居高賢哲交修二章主有旨酒嘉賓共斟酌兮

各由其儀萬類共咸若子為無為名無名熙熙樂

兮三章

右由儀三章二章章六句一章七句

補禽言附

割麥插禾

禾新婦下田黃秧分科歸來煮飯養阿婆

於忽乎

於忽乎白日落青春
祖今日新婦他日婆
有花不看將如何

稽古

稽古秀才不知書
帝字認作虎

麥枯

麥枯麥枯十日九
雨爛麥鬚收歸上場
化麥奴化麥奴
剝麥稔悍吏下鄉催
麥租

咄咄恠

咄咄恠東家兒郎太
狡獪眼中不見丁字
形腰間

取印如斗大咄咄怪

歸愚詩鈔卷二